



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ Ո Ւ Մ

9 դեկտեմբերի 2019 թվականի թիվ 158-Ա

**ՏԱՎՈՒՇԻ ՄԱՐԶՈՒՄ 2019 ԹՎԱԿԱՆԻ ՁՄԵՌԱՅԻՆ ԶՈՐԱԿՈՉ
ԿԱԶՄԱԿԵՐՊԵԼՈՒ ՄԱՍԻՆ**

Ղեկավարվելով «Զինվորական ծառայության և զինծառայողի կարգավիճակի մասին» Հայաստանի Հանրապետության օրենքի 19-րդ հոդվածի 4-րդ և 25-րդ հոդվածի 1-ին մասերով ու «Այլընտրանքային ծառայության մասին» Հայաստանի Հանրապետության օրենքի 6-րդ հոդվածի 1-ին մասով, ի կատարումն Հայաստանի Հանրապետության կառավարության 2019 թվականի նոյեմբերի 7-ի «Շարքային կազմի պարտադիր զինվորական ծառայության 2019 թվականի ծմեռային զորակոչ հայտարարելու և զորացրում կատարելու մասին» թիվ 1536-Ն որոշման պահանջների՝

ո Ր Ո Չ ՈՒ Մ Ե Մ.

1. Տավուշի մարզի զինվորական կոմիսարին.

1) 2019 թվականի ծմեռային զորակոչն անցկացնել սահմանված կարգով 2019 թվականի նոյեմբեր-2020 թվականի հունվար ամիսների ընթացքում հաստատված գրաֆիկով՝ ապահովելով նախատեսված թվաքանակը,

2) ժամկետային զինվորական ծառայության զորակոչից խուսափող Հայաստանի Հանրապետության քաղաքացիների վերաբերյալ նյութերը սահմանված կարգով տրամադրել Հայաստանի Հանրապետության ոստիկանության համապատասխան կառուցվածքային ստորաբաժանումներին:

2. Առաջարկել ՀՀ Լոռու կայազորի զինվորական դատախազությանը.

1) քննության առնել զինկոմիսարիատի կողմից տրված տարկետումների, զինվորական հաշվառումից և գրանցումից դուրս գրվելու և արտոնություններ տրամադրելու օրինականությունը,

2) ՀՀ օրենսդրությամբ սահմանված կարգով անհրաժեշտ միջոցներ ձեռնարկել զորակոչից խուսափողների նկատմամբ և իրավասու պետական մարմինների միջոցով հայտարարել հետախուզում:

3. ՀՀ Ոստիկանության Տավուշի մարզային վարչությանը.

1) ապահովել զինակոչիկների անվտանգ տեղափոխումը և հասարակական կարգի պահպանումը զորակոչային տեղամասում,

2) ապահովել մարզի տարածքում և մարզի տարածքից դուրս գտնվող զորակոչիկների որոնումները և նրանց պարտադիր ներկայանալը զորակոչային տեղամաս,

3) զորակոչի ընթացքում զորակոչիկներին փոխադրող ավտոբուսներին ուղեկցելու համար զորակոչային տեղամասին կցել ճանապարհային ոստիկանության անձնակազմեր:

4. ՀՀ Տավուշի մարզպետարանի առողջապահության և սոցիալական ապահովության վարչությանը.

1) զինկոմիսարիատի հետ միասին համալրել հանձնաժողովները բժիշկ մասնագետներով՝ նախապատրաստելով պահեստային բժիշկներ և անհատական կազմը ներկայացնել ՀՀ առողջապահության նախարարության հաստատմանը,

2) զինկոմիսարիատի հայտով զինակոչիկների ֆյուրորո /ոենտգեն/ զննում, սոնոգրաֆիկ հետազոտում, ինչպես նաև կանխարգելիչ պատվաստումներ կատարելու նպատակով հանձնարարել մարզի առողջապահական համակարգի բուժկանխարգելիչ հաստատություններին՝ ապահովել անհրաժեշտ քանակով պատվաստանյութեր, ֆյուրորո /ոենտգեն/ ժապավեններ և երևակման նյութեր:

5. Մարզի տեղական ինքնակառավարման մարմինների և կազմակերպությունների /անկախ կազմակերպական և իրավական ձևերից/ ղեկավարներին.

1) քրեական պատասխանատվության կանչված և հետախուզման մեջ գտնվող զորակոչիկների ցուցակներն ստանալուց հետո նրանց նկատմամբ կիրառել աշխատանքային, տնտեսական և այլ ոլորտներում՝ Հայաստանի Հանրապետության օրենսդրությամբ նախատեսված սահմանափակումներ և գտնվելու վայրի մասին անհապաղ իրազեկել իրավասու պետական մարմիններին,

2) իրավասության սահմաններում ապահովել Հայաստանի Հանրապետության զորակոչային տարիքի քաղաքացիների ներկայանալը մարզի զինվորական կոմիսարիատ:

6. Մարզպետարանի տեղեկատվության և հասարակայնության հետ կապերի բաժնին՝ ընդլայնել ռազմահայրենասիրական աշխատանքների լուսաբանումը տեղական և հանրապետական ՋԼՄ-ների միջոցով:

7. Սույն որոշման կատարման հսկողությունը հանձնարարել մարզային զորակոչային հանձնաժողովին:

ՄԱՐԶՊԵՏ

Հ. ՉՈՐԱՆՅԱՆ

X



2019թ. դեկտեմբերի 09

ք. Իջևան

Կ Ա Ձ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶԻ ԶՈՐԱԿՈՉԱՅԻՆ
ՀԱՆՁՆԱԺՈՂՈՎԻ

- Հ. Չորանյան - Հայաստանի Հանրապետության Տավուշի մարզպետ, հանձնաժողովի նախագահ
- Ա. Գասպարյան - Հայաստանի Հանրապետության ոստիկանության Տավուշի մարզային վարչության պետ
- Ա. Ամիրզադյան - Լոռու կայազորի ռազմական ոստիկանության Իջևանի բաժնի պետ
- Ա. Ղազարյան - Լոռու կայազորի ռազմական ոստիկանության Տավուշի բաժնի պետ
- Կ. Հարությունյան - Տավուշի մարզի զինվորական կոմիսար
- Գ. Մատինյան - Հայաստանի Հանրապետության Տավուշի մարզպետարանի զորահավաքային նախապատրաստության բաժնի վարիչ, հանձնաժողովի քարտուղար